



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

9. Gigantes esse terribiles.

**urn:nbn:de:hbz:466:1-45686**

A. Gell. lib. 1.  
Noct. cap. 1.Plin. l. 7. nat.  
hist. c. 16.

ti. Si enim Pythagoras, comprehensa mensura Herculanæ pedis, quanta longinquitas corporis ei mensura conueniret, secundum naturalem membrorum omnium inter se competentiam, modificata est: atque ita id colligit, quod erat consequens; tantò fuisse Herulem corpore excelsiorem, quàm alios, quantò Olympium stadium ceteris pari numero factis anteiret: cur non, eadem proportionis ratione habita, ita in modulanda status longitudinisque gigantæ præstantia fas esset rationari? Plinius profectò ait, in Creta, dum terræ motu quidam mons disrumpetur, cadaver quadraginta sex cubitorum stans fuisse repertum, quod alij Orionis, alij Otij fuisse crediderunt. Orestis etiam corpus, oraculi iussu refossus, cubitorum septem fuisse historici tradunt. Iam verò ante annos propè mille, ait idem Plinius, vates ille Homerus non cessauit minora corpora mortalium, quàm præcipua conqueri. Næm Pollionis amplitudinem annales non tradunt. Sed quia populi concursu panè interemptus esset, prodigij vice habitum. Tantæ fuit, videre prodigiosè procerum, voluptatis.

## IX.

2. Reg. 17. 4.

Alij præter hos gigantes, sunt etiam ad vilitatem. Talem, vt paulò priùs indicauimus, Goliath Israëlitis Philisthæi opposuerunt, qui stans clamabat aduersum Phalangas Israel, & dicebat eis: Numquid ego non sum Philisthæus? Perterrita hæc vox, & ista viri armis, velut ferreo quodam monte, recti vilitas, tota castra, quæ putabant se Stentorem audire, aut Polyphemum, immò Enceladum aliquem intueri. Audiens enim Saul & omnes Israelitæ sermones Philisthæi huiusmodi, stupebant & metuebant nimis. Ita metuendus erat olim Pallas Euanthri filius, cuius cadauer ingentis magnitudinis, magnum habens vulnus in pectore, Romæ, tempore Henrici III. Imp. An. 1057. repertum est. Ita se se etiam metuendas exhibens vmbra defunctorum: quæ quia longæ, vt plurimum solent hominibus comparere, Hebræis occasionem dederunt, vt illis, velut prouerbij loco, idem esset, apud Gigantes, quod est, apud mortuos. Hinc Prou. 21. 16. legimus: Vir, qui errauerit à via doctrinæ, in cœtu gigantum commorabitur: Vbi cœtus gigantum, est cœtus mortuorū, sicut & Prou. 2. 18. vbi habet vulgatus textus: Ad inferos semita ipsius: alij ex Hebræo verunt:



tunt: *Ad gigantes.* Aiunt enim ex Glossario Philonis, dictio-  
nem *Raphai* gigantes sonare. Terribile ergò quiddam est gi-  
gas, si vel proceritas aspiciatur; ne dum si vires exerat. In lit-  
teris Indicis, quibus Sinarum res complexus est, memorat  
Melchior Nugnez Societatis nostræ Sacerdos; in Paquin, vrbe  
regia, portarum custodes quindecim pedes esse altos, giganteæ  
vtique proceritatis. Enimuerò testatur idem author, alijs lit-  
teris, An. 1555. regem Sinarum quingentos eiusmodi gi-  
gantes alere corporis sui custodes. Quapropter vsque adeò  
non sine causa creati sunt enormiter magni homines, vt non  
modò ex raritate pariant intuentibus delectationem, sed etiam  
grande, apud grandes, emolumentum largiantur. Quale &  
ab illo promanauit, qui à S. Maclouio ad vitam renocatus, &  
baptismo tinctus mira de alterius vitæ statu aperuit. Sed hoc  
emolumentum naturam superauit, & alteri vitæ profuit.

X.

Alij gigantes viribus corporis vtiles pariter atque mi-  
rabiles extiterunt, in quorum numerum meritò veniunt il-  
li, qui, si non sunt veri gigantes, fortitudinis tamen sunt gi-  
ganteæ. Galetium, siue Galeotum (Cl. Marius Aretius Ga-  
leoctum nominat) Bardasium Catānensem Patritium memo-  
rat Thomas Fazellus, singularibus naturæ incrementis euectū,  
admirabili corporis magnitudine eò proceritatis excreuisse,  
vt communem hominum staturam, verticesq; omnium non  
iam vt Saul, sed, vt Atlas quidam cælum sustentaturus, hu-  
meris superaret. Huius robustis lacertis ac teretibus mem-  
bris, vniuersaq; corporis magnitudini par virium robur habi-  
tusque adeò respondebant, vt tota eius compago, exactissimo  
naturæ ingenio exculta elaborataque esse videretur. In vno  
hoc homine, multa erant spectacula. Nam, præter excelsi cor-  
poris eminentiam, etiam alia eminebant. Nemo erat illo ha-  
stæ lapidumque iactibus prior; nemo lanceâ fortior; nemo  
saltu expeditior. Equo ac pede bellator acerrimus. Neque  
illi sitis, quò minùs fortitudinis suæ experimenta ederet, offi-  
cere potuit. Armatura enim ponderosa oneratus galeatusque  
humili stans, sinistra ephippium, dextera hastam militarem te-  
nens strenuo saltu in equum insiliebat. Vultis aliquid ampliùs?

Cl. Marius  
Aretius in  
Siciliæ Cho-  
rographia.  
Tho. Fazell.  
lib. 3. cap. 1. de  
rob. Sicul.  
decad. prior.

SSS

Alinum